

Pol ndê bapia têŋ lau Kolosi-ŋga Yom whê bapia dindéc sa-ŋga

Malac Kolosi yêc gameŋ Esia-ŋga, magoc Pol dau inŋ gêm mêtê yêc malac Kolosi dom. Têŋ ndoc inŋ gêm mêtê mbo malac Epesas, naŋ ŋgac Kolosi-ŋga danŋ ŋaê Epapras ŋgô ma kêŋ whiŋ, ma tiŋambu Epapras mbu gi hoc ŋawaê ŋayham asê yêc ndê malachu Kolosi (1:7; 4:12), ma lau ŋatô sic hu sêkêŋ whiŋ Yisu. Tiŋambu Epapras ndöc gapocwalô whiŋ Pol (Pilemon 23), ma gic miŋ têŋ Pol pi lau sêkêŋ whiŋ-ŋga yêc malac Kolosi.

Pol to bapia dindéc ma sôm têŋ lau Kolosi-ŋga bu inŋ gêm danŋe Anötö tu ŋac si sêkêŋ whiŋ-ŋga, ma inŋ tôc lêŋ ŋayham daêsam têŋ lau sêkêŋ whiŋ-ŋga tu sêŋkuc-ŋga. Ma inŋ to yom ŋatô bu whê lau Kolosi si gauc sa pi yom ŋandô. Nahu bu lau ŋatô sêŋsônŋ ŋac pi lau nom-ŋga si lêŋ ŋatô (2:4, 8, 16-23), ma ŋac sêtoc Kilisi sa ŋapep dom, ma bocdinaŋ inŋ tôc asê bu Anötö kêŋ gêŋ honŋ sêsoç Kilisi ŋapu (1:15-20; 2:9-15).

Pol gic hu ndê bapia

¹ Aô Pol, naŋ gati Yisu Kilisi ndê aposel kêkuc Anötö ndê atac whiŋ, lu yac neŋ asidôwa Timoti ato bapia dindéc.

² Atô têŋ mac asidôwai naŋ andöc malac atu Kolosi, mac lau dabuŋ naŋ akêŋ whiŋ Kilisi. Mwasinŋ ti yom malô akêŋ Damaŋ Anötö têŋ mac.

Pol tenj mbec tu lau Kolosi-nga

³ Tôm bêc honj yac atenj mbec têj Anötö, yac nenj Pômdau Yisu Kilisi Damba, ma am danje inj tu mac-nga.

⁴ Nahu bu yac anjô njawaê bu mac akêj whinj Yisu Kilisi njanga, ma atac whinj Anötö ndê lau dabun honj.

⁵ Mac nem akêj whinj ti atac whinj njahu sip mwasiñ atu nanj mac akêj batam ambo, nanj Anötö po sa gwananj tu mac-nga yêc undambê. Yom pi gêj dau mac anjô munj su, têj ndoc sêhoc yom njandô njawaê njayham-nga asê têj mac.

⁶ Njawaê njayham dau têj mac menj, ma mac anjô ti anyalê yom njandô pi Anötö ndê mwasiñ atu. Têj ndoc mac anjô tiwakuc e menj têj kwahic dec, nanj njawaê njayham dau gêm njandô ma tiapa yêc mac nem gamej. Ma njalêj tigerj inj gêm njandô ma tiapa ma gêm gamej nanj lau Rom-nga sem gôlinj, nanj ahuc.

⁷ Njawaê dau Epapras kêdôhônj têj mac. Inj yac nenj njac atac whinj-nga nanj gêm gwelenj whinj yac, ma njac akinj njandô nanj gêm akinj Kilisi tu mac-nga.

⁸ Ma inj gic minj têj yac pi mac nem lêj atac whinj asidôwai-nga nanj Njalau Dabunj kêj têj mac.

⁹ Tu dinanj-nga têj bêc njamata-nga nanj yac anjô mac nem njawaê e menj têj kwahic dec, nanj yac atenj mbec tu mac-nga njapanj. Yac andac Anötö bu kêj gauc têj mac e anyalê Njalau Dabunj ndê lêj tidônj. Ma njalêj dinanj mac oc anyalê lêj nanj Anötö tac whinj bu yac dasa-nga, nanj njapep enj.

¹⁰ Yac atenj mbec bu mac asa nem lêj gitêj, bu tôc asê bu mac ati Pômdau ndê lau, ma inj oc lic mac nem lêj honj ndic inj tandô njayham. Yac atenj mbec

bu mac nem akêḡ whiḡ oc nem ḡandô ḡayham yêc gwelen ḡoḡ naḡ mac akôm, ma bu mac nem gauc aḡyalê Anötö-ḡga êḡsôwec tiatu.

¹¹ Anötö ndê ḡaclai ti ḡawasi atu kêḡ ḡaḡga têḡ mac bu akôm gêḡ ḡoḡ, ma ḡawapac bu tap mac sa, dec mac atôm bu alhac ḡaḡga ma ahôc ti atac pa su. Ma ambo ti atac ḡayham,

¹² ma anem danḡe Damaḡ Anötö, naḡ gic dabiḡ mac e atôm bu awêkaiḡ iḡ ndê gameḡ ḡawê-ḡga awhiḡ iḡ ndê lau dabuḡ ḡoḡ.

¹³ Iḡ kêḡaho yac su yêc ḡaclai ḡasec-ḡga, ma kêḡ yac dambo iḡ ndê Atu naḡ iḡ atac whiḡ ḡandô, naḡ ndê gôliḡ ḡapu.

¹⁴ Ma Anötö kêmwasiḡ yac, dec gêmlihi yac ti kêḡapwêc yac su yêc sakiḡ mêtê sac-ḡga, ma suc yac neḡ sac kwi. Ma datap mwasiḡ atu dau sa yêc iḡ ndê Atu dau.

Kilisi ti ndê gwelen

¹⁵ Lau dan ḡêlic Anötö dom, magoc iḡ Atu Kilisi gêm iḡ aḡgô ma tôc iḡ asê têḡ yac. Iḡ tiḡamata gêḡ ḡoḡ naḡ Anötö kêḡ.

¹⁶ Bu gêḡ undambê-ḡga ti gêḡ nom-ḡga ḡoḡ naḡ Anötö kêḡ, naḡ kêḡ ḡa Kilisi. Gêḡ naḡ dalic ḡa tanôḡ, ma gêḡ naḡ tôm dom bu dalic ḡa tanôḡ, gitôm aḡela me ḡalau me gôliḡ ma ḡaclai tidau-tidau, gêḡ ḡoḡ dinaḡ Anötö kêḡ ḡa Kilisi ma kêḡ tu Kilisi-ḡga.

¹⁷ Iḡ tiḡamata gêḡ ḡoḡ, ma gêḡ ḡoḡ si ḡahu sêmbo-ḡga yêc iḡ.

¹⁸ Ma iḡ gêm gôliḡ gôlôwac dabuḡ. Iḡ ti ḡagôlôḡ, ma gôlôwac dabuḡ sêti iḡ ndê ḡandô. Ma iḡ muḡ gôlôwac dabuḡ bu ti ḡgac ḡamata-ḡga bu tisa akêḡ

lau batê-nga. Ma bocdinaŋ gêŋ daŋ hôc gêlêc iŋ su dom.

¹⁹ Bu Anötö gêlic ŋayham bu kêŋ dau sambuc sip Atuŋgac ŋalôm ma mbo whiŋ iŋ.

²⁰ Ma iŋ kêkiŋ Atu dau sip nom meŋ bu hê wamba ŋamalac ma gêŋ nom-nga ti gêŋ undambê-nga hoŋ têt Anötö. Ma kwahic dec ŋamalac sêtôm bu sêmbô Anötö aŋgô-nga ti yom malô, tu Atuŋgac ndê dac naŋ kêc siŋ pi a gicso-nga.

²¹ Muŋ-nga, mac ambo ahê têt Anötö. Mac ambo atôm iŋ ndê ŋacyo tu gauc ti mêtê sac-sac naŋ yêc mac-nga.

²² Magoc iŋ dau kêmasaŋ lêŋ bu Kilisi sip nom meŋ ti ŋamalac ma mbac ndu, tu bu hê wamba mac têt Anötö tiyham. Ma iŋ tac whiŋ bu kêŋ mac alhac iŋ aŋgô-nga atôm lau dabuŋ naŋ nem giso ti yom mbasi.

²³ Mac bu alhac ti akêŋ whiŋ ŋaŋga ma akêŋ batam Anötö ndê mwasiŋ naŋ ŋawaê ŋayham tôc asê têt mac, ma ahu siŋ dom, dec mac oc atap mwasiŋ dau sa. Ŋawaê ŋayham dau mac aŋgô su, ma sêhoc asê yêc gameŋ hoŋ naŋ yêc lau Rom si gôliŋ ŋapu, naŋ bocdinaŋ. Ma aö Pol gati ŋgac akiŋ ŋawaê ŋayham dau-nga.

Pol whê ndê gwelen ŋawaê ŋayham-nga sa

²⁴ Ŋandê bocke naŋ aö gahôc tu wapuc mac nem akêŋ whiŋ dôŋ-nga, naŋ gahôc ti atac ŋayham eŋ. Ma aö kayalê bu aö gac waê bu wahôc ŋandê ŋapaŋ, tu gwelen naŋ aö gakôm tu bu wapo Kilisi ndê ŋandô, naŋ gôlôwac dabuŋ sa-nga. M agoc aö oc wahôc e wandic dabiŋ gêŋ hoŋ naŋ Kilisi kêyalin sa bu wahôc.

²⁵ Aö gakôm gwelen gam akin gôlôwac dabuñ, kakuc lêñ nan Anötö dau kêmasañ dec kêyalin aö sa tu mac-nga, ma kêkin aö bu wahoc ñawaê ñayham asê e Anötö ndê yom tiapa yêc gameñ hoñ.

²⁶ Têñ ñamata-nga e meñ, yom pi Anötö ndê lêñ nem lau si-nga, nan ñahu yêc siñ dau têñ lau nom-nga. Magoc kwahic dec in tôtec asê tiawê têñ in ndê lau dabuñ.

²⁷ In tac whin bu lau dabuñ sênyalê yom nan mun-nga yêc siñ dau, nan bocdec bu. In bu êmwasiñ mac ñlau gameñ apa-nga bu atap in ndê ñawasi atu sa, dec kêñ Kilisi sip nem ñalôm. Ma gêñ ñinañ ti mac nem ñahu akêñ batam bu atap in ndê ñawasi sa-nga.

²⁸ Yac ahoc Kilisi ndê ñawaê ñayham asê, ma Anötö kêñ gauc ñayham têñ yac bu akêñ puc ti andôhôn lau sêkêñ whin-nga hoñ. Ma yac akôm bocdinañ tu bu andic dabin ñac hoñ e akêñ ñac sêlhac Anötö anğô-nga sêtôm lau gwalam akwa sêkêñ whin Kilisi-nga.

²⁹ Ma aö gakôm gwelen ti gahôc ñandê atu, tu bu wakôm gêñ dau ñandô sa-nga, ña Kilisi dau ndê ñaclai nan gêm gwelen ñanğa yêc aö neñ ñalôm.

2

¹ Aö gawhê neñ gwelen sa têñ mac, ñahu bu aö atac whin bu mac anjalê bu aö gayêm daun su ñandô tu mac-nga, ma tu lau Laodisia-nga, ma tu lau sêkêñ whin-nga hoñ nan sêlic aö anôn dom-nga, nan bocdinañ.

² Aö tac whin bu mêtê atac whin-nga pin mac hoñ dôñ, ma puc mac dôñ bu alhac ñanğa. Ma yom pi Anötö ndê lêñ nem lau si-nga nan mun-nga yêc

siñ dau, nañ aö tac whiñ bu mac anyalê tidôn andô, e kôm mac alhac ti akêñ whiñ ñaŋga eñ. Yom dau hêganônñ Kilisi.

³ Bu yom ti gauc nañ atu andô ma tôm bu êmwasiñ yac-ŋga, nañ Anötö gêm ahuc yêc iñ-ŋga.

⁴ Aö gawhê yom honñ dinañ sa têtñ mac, ñahu bu aö gatec bu lau ñatô sêmbac yom mac ma sêñsau mac.

⁵ Bu aö dauñ gambo gawhiñ mac dom, tigenñ yêc aneñ ñalôm aö gauc gêm mac ñapañ. Ma aö atac ñayham atu, bu kayalê bu mac akêñ whiñ Kilisi ñaŋga, ma asa nem lêñ honñ ñapep.

Dasa neñ lêñ tiwakuc tu Kilisi-ŋga

⁶ Mac akôc Yisu Kilisi sa su ti mac nem Pômdau, dec akêñ iñ tiñamata nem lêñ honñ.

⁷ Akôc ñaŋga yêc iñ tôm a nañ ñawakac gacgeñ sip nom ñalôm gi. Ma iñ ndê ñaclai po mac nem akêñ whiñ sa bu alhac ñaŋga, alhac yom ñandô nañ sêndôhônñ têtñ mac, nañ ñahô. Ma yom anem danje Anötö-ŋga nem mac ahuc tôm bêc honñ.

⁸ Ayob daôm ñapep bu lau tasanñ si yom ñambwa-ñambwa êñsônñ mac nem gauc ma êñgaho mac su yêc yom ñandô e ati lau gapocwalô-ŋga lec dom. Nac si yom dau ñahu kêkuc abunñgaci si lêñ ti mêtê nom-ŋga ñambwa, ma meñ akêñ Kilisi ndê dom.

⁹ Bu Anötö kêñ dau sambuc sip Kilisi ñalôm, ma meñ mbo nom gitôm ñamalac.

¹⁰ Kilisi dau iñ gôlinñ ti ñaclai honñ ñadau. Ma tu mac nem akêñ whiñ piñ mac dônñ am damiñ iñ-ŋga, dec Anötö ndê mwasiñ gêm mac ahuc.

¹¹ Kilisi kôm lau Israel-ŋga si ðpwac sêsê ñamlic ñatô su-ŋga ñandô sa pi mac lau nañ ati iñ ndê.

Gêñ dau hôc asê kêkuc ñamalac si lêñ sêsê ñamlic-ñga dom, magoc Kilisi dau kôm gwelenj yêc mac nem ñalôm gitôm inj sê mac nem mêtê sac ñalôm akwa-ñga su giñga.

¹² Busañgu nañ mac alinj, nañ piñ mac dôñ am daminj Kilisi, tôm sêñsuhuj mac awhinj inj, ma Anötö uñ mac sa awhinj inj. Gêñ dau ñandô sa tu mac akêñ whinj Anötö, nañ uñ Kilisi dau sa akêñ lau batê-ñga, nañ ndê ñaclai.

¹³ Muñ-ñga, mac ambo atôm lau batê tu mac nem sac-ñga, ma tu mac asap mêtê ñalôm akwa-ñga dôñ ñapañ-ñga. Tigenj Anötö suc mac nem sac hoñ kwi, ma kôm mac ati lau ambo tamli tiyham-ñga awhinj Kilisi.

¹⁴ Tu yac tañgili Anötö ndê yomsu-ñga, dec yac datôm lau nañ si bapia tốp-ñga yêc, ma datôm dom bu dandic tốp dau, dec tac waê bu datap matôc sa. Magoc Anötö kôc bapia tốp-ñga dau su yêc yac, ma gic pi a gicso dau whinj Kilisi.

¹⁵ Ma Kilisi ndê mbac ndu pi a gicso dau ti lêñ bu Anötö ku Sadañ ti ndê ñalau ma ñaclai sac hoñ dulu, gitôm ñgac bata siñ-ñga nañ kôc ñacyo si wapa siñ-ñga hoñ su, ma wê ñac gitôm lau gapocwalô-ñga bu tôc asê tiawê bu ñac si ñaclai pacndê sambuc.

Yom pi ñagôlinj nom-ñga

¹⁶ Tu dinañ-ñga dec lau ñatô bu sêñgôlinj yom pi mac tu gêñ nañ añ ti anôm-ñga, me tu om nañ lau sêlic tôm wake me ayô me yala-ñg a, me tu bêc Sabat-ñga, nañ añgô ñac si yom dom.

¹⁷ Bu gêñ hoñ dinañ gitôm gêñ ñagatu ñambwa nañ dalic muñ su, ma tiñambu ñandô meñ hôc asê. Ma ñandô dau, nañ Kilisi.

¹⁸ Lau n̄atô s̄êṅkuc l̄êṅ ṅalôm akwa-ṅga ma s̄êtoc dau sa tu ṅac si l̄êṅ sem akiṅ Kilisi-ṅga. ṅac s̄êsôm bu s̄êpu dau ṅandô, ma sem akiṅ aṅela k̄êkuc ḡêṅ ṅatô naṅ s̄êyêc mbê ma s̄êlic. Lau kaiṅ dinaṅ bu s̄êpu mac ma s̄êsôm bu mac nem a k̄êṅ whiṅ iṅ ḡêṅ ṅandô mbasi-ṅga, dec akôc ṅac si yom sa dom.

¹⁹ Bu lau kaiṅ dinaṅ s̄êsap Kilisi, naṅ ti ḡôlôwac dabuṅ hoṅ si ṅagôlôṅ, naṅ dôṅ dom. Iṅ tawasê piṅ yac hoṅ dôṅ dapitigeṅ, ma ḡôlôwac dabuṅ k̄êsôwec ṅa ṅaclai naṅ Anötô dau k̄êṅ.

²⁰ Anḡô su naṅ. Têṅ ndoc ṅamalac daṅ mbac ndu, naṅ ṅagôliṅ ti ṅaclai nom-ṅga ḡêm ḡôliṅ iṅ tiyham dom. Ma tu Anötô piṅ mac dôṅ am damiṅ Kilisi-ṅga, dec tôm mac ambac ndu awhiṅ iṅ. Bocdinaṅ tu sake-ṅga mac ambo atôm lau naṅ s̄êhêgo dau pi ṅagôliṅ nom-ṅga?

²¹ Lau kaiṅ dinaṅ sic yao ḡêṅ tidau-tidau ma s̄êsôm bocdec bu, “Akôc dom, aneṅ ti anôm dom, ma amasec dom.”

²² Yom kaiṅ dinaṅ k̄êkuc gauc ti ṅagôliṅ naṅ lau nom-ṅga s̄êndôhôn, ma h̄êganôn ḡêṅ têm kwahic dec-ṅga naṅ taṅ ti danôm ma ḡêṅ dau meṅ giṅga.

²³ Lau naṅ s̄êsôc ṅagôliṅ kaiṅ dinaṅ ṅapu, naṅ s̄êṅkuc gauc ṅamalac-ṅga tu l̄êṅ s̄ênem akiṅ Anötô-ṅga ti s̄êṅgwiniṅ dau-ṅga ma l̄êṅ s̄êkêṅ wapac pi dau ṅamlic-ṅga. S̄êtoc l̄êṅ dau sa gitôm l̄êṅ ti gauc atu, ma gauc ḡêm bu oc ndic Pômdau tandô ṅayham. Magoc mba. L̄êṅ dau h̄êganôn ḡêṅ awê-ṅga ṅambwa, ma oc tôm dom bu nem ṅac si ṅalôm kwi e s̄êhu l̄êṅ ṅalôm ṅagalac-ṅga siṅ.

Kilisi ti yac neŋ dambo tanli ŋahu

¹ Anötö uŋ mac sa awhiŋ Kilisi, ma kwahic dec iŋ ndöc Anötö ndê andô-ŋga yêc undambê. Tu di-naŋ-ŋga dec asa nem lêŋ ti tamkwê gêŋ undambê-ŋga eŋ.

² Gauc nem gêŋ nom-ŋga êŋlêc dom. Gauc nem gêŋ undambê-ŋga hôc gêlêc.

³ Bu mac ambac ndu su awhiŋ Kilisi, ma mac nem ŋahu ŋ andô ambo tamli awhiŋ Kilisi-ŋga, naŋ yêc siŋ dau yêc Anötö-ŋga.

⁴ Têŋ ndoc mac nem tamli ŋahu Kilisi dau meŋ hôc asê, naŋ Anötö oc tôc mac nem lêŋ ambo tamli-ŋga asê tiawê, ma mac oc alhac awhiŋ Kilisi ti ŋawasi atu.

Lêŋ ŋalôm akwa-ŋga

⁵ Bocdinaŋ ahu mêtê sac hoŋ naŋ meŋ akêŋ ŋalôm akwa, naŋ siŋ. Mêtê dau gitôm mac nem ŋacyo daŋ naŋ kalhac seŋ andöc tamli-ŋga ahuc, bocdinaŋ andic iŋ ndu. Mêtê kaiŋ bocdec ahu hoŋ siŋ, mêtê mockaiŋ-ŋga, mêtê ŋadômbwi, ma mêtê sac-sac ŋalôm ŋagalac-ŋga. Ma ayob daôm bu aŋkuc lau naŋ sêkêŋ awa ti wapa nom-ŋga kalhac si gauc ŋamata ŋapaŋ, naŋ dom. Bu lêŋ dau gitôm ŋac sem akiŋ anötö gwam.

⁶ Lau hoŋ naŋ sêsa lêŋ kaiŋ dinaŋ, oc sêtap Anötö ndê atac ŋandê sa.

⁷ Muŋ-ŋga, mac daôm akôc gauc tôm ŋac lau dinaŋ sêkôc, ma aŋkuc ŋac si mêtê sac.

⁸ Magoc kwahic dec ahu mêtê sac hoŋ siŋ. Atac ŋandê têŋ lau me alic ŋac sac dom, ŋalôm li sa dom, ma ayob nem whamsuŋ bu asôm yom sac-sac apu lau-ŋga ti yom mayan-ŋga dom.

9 Ma asôm yom tasanj têj nem asidôwai dom. Gauc nem bu mac ahu lêj ñalôm akwa-nga sinj su, dec akôm mêtê kainj dinanj tiyham dom.

10 Ma asa nem lêj ti ñalôm wakuc. Bu Anötö, nanj kêmasanj ñamalac bu sênem inj anjô sêmbo nom, nanj gêm gwelenj pi mac mbo, tu bu mac atiwakuc, ma tu bu mac anjyalê inj ti ndê lêj gitêj tidôj.

11 Ma yac lau nanj dasa lêj wakuc dinanj, nanj dahêgo daunj tu yac nejj ñahu nom-nga tiyham dom. Yac bu lau Grik me lau Israel-nga, gai me lau anjô batac, lau nanj tanjkuc pwac sêsê ñamlic-nga me tanjkuc dom, lau akinj ñambwa me lau nanj dau sêmbo si gêj, nanj Anötö gauc gêm lêj honj dinanj ñadanj hôc gêlêc su dom. Gêj tigenj nanj gêj atu têj inj, nanj Kilisi pinj yac honj dôj dati inj ndê.

Lêj ñalôm wakuc-nga

12 Anötö tac whinj mac ma kêyalinj mac sa ati inj ndê lau dabunj. Tu dinanj-nga dec asap mêtê ñayham bocdec dôj gitôm mac asôc ti nem ñakwê. Tamwalô lau ma atac apu ñac ti nem ñalôm sambuc, anjwiniinj daôm, asa lêj malô, ma akôc nem ñalôm dôj.

13 Asa nanj ndê asidôwa kôm sac têj inj, nanj kôc ndê ñalôm dôj bu hôc ñawapac dau, ma suc inj ndê sac kwi. Asuc sac nanj asidôwai sêkôm têj mac nanj kwi, tôm Pômdau dau suc mac nem kwi.

14 Ma asap mêtê atac whinj-nga dôj, bu mêtê dau pinj mêtê ñayham-ñayham honj dôj sêpitigenj.

15 Kilisi ndê yom malô nem gôlinj mac nem ñalôm. Bu Anötö kêgalêm mac sa bu ati gôlôwac dabunj tigenj, nanj yom malô dau pinj mac dôj. Ma anem danje Anötö ñapanj.

16 Kilisi ndê yom ñandô nem mac nem ñalôm ahuc sambuc, dec kêñ gauc ñayham têtñ mac bu anem la ti andôhôn têtñ daôm. Anem wê yêc Buku Wê-ñga, ti wê dabuñ ma wê ñatô nañ Ñalau Dabuñ kêñ têtñ mac, bu ampiñ Anötö ma anem dançe inñ ti nem ñalôm sambuc.

17 Gêñ hoñ nañ mac akôm ti yom hoñ nañ asôm, nañ akôm tu Pômdau Yisu ndê ñaê-ñga. Ma anem dançe Damañ Anötö tu Kilisi-ñga.

Damba ti dindai ma balêkoc si ñagôliñ ñatô

18 Mac lauwhê, asôc nem ñgaci ñapu, bu lêtñ dinan gic waê lauwhê nañ sêkêñ whiñ Kilisi.

19 Ma mac laungac, atac whiñ nem lauwhê ma atigasec ñac dom.

20 Balêkoc, mac danam wambu yom hoñ nañ dinam ti damami sêsôm têtñ mac. Bu lêtñ dinan gic Pômdau tandô ñayham.

21 Mac dambai, ali nem balêkoc si ñalôm sa dom. Ayob ñac ñapep tu bu ñac lic ñakam sa e sêtec lêtñ ñayham lec dom.

Lau akiñ ma ñadaui si ñagôliñ

22 Mac lau akiñ, asôc nem ñadaui nom-ñga si yom hoñ ñapu. Anem akiñ tu bu mac nem ñadaui sêlic mac ñayham-ñga ñambwa lec dom. Mba. Mac nem ñadaui bu sêmbo sêwhiñ mac me sêmbo dom, magoc akôm nem gwelen hoñ ñapep eñ. Anem akiñ ti nem ñalôm sambuc, ma atôc asê bu mac atoc Pômdau sa.

23 Akôm gêñ hoñ ti nem ñalôm sambuc eñ, gitôm mac am akiñ Pômdau, ma tôm mac am akiñ lau nom-ñga tawasê dom.

24 Mac anyalê su bu mac am akiñ Kilisi mac nem Pômdau, ma inç oc kêñ mac awêkain nem gêñ lêñsêm yêc undambê ti mac nem ñagêyô ñayham.

25 Magoc asa nañ kôm giso, nañ oc tap ndê ñagêyô sa. Ma Anötö oc toc ñamalac dan sa hôc gêlêc dan dom. Inç oc êñsahê yac hon ña saê tigenç.

4

1 Mac ñadaui, anyalê ñapep bu mac daôm nem Ñadau mbo undambê, ma bocdinañ ayob nem lau akiñ ñapep, ma ñaôli bocke nañ gic ñac ñawaê, nañ akêñ têtñ ñac.

Pol gêm la lau Kolosi-nga

2 Anem ali ma asap mêtê datenç mbec-nga ti danem dançe Anötö-nga dônñ ñañga.

3 Ma atenç mbec tu yac-nga whinç, bu Anötö lêc gatam su têtñ yac bu ahoc inç ndê yom asê, ma bu awhê yom pi Kilisi nañ muñ-nga yêc sinç dau, nañ sa tiawê. Tu Kilisi ndê yom dinañ-nga dec aô gandöc gapocwalô.

4 Atenç mbec bu Anötö puc aô dônñ bu wakôm nenç gwelenç ñapep, ma wawhê yom dau sa yêc awê enç.

5 Asa nem lêñ ambo lau sêkêñ whinç dom-nga ñalôm ti gauc enç. Ma ançalê lêñ tu bu atôc Kilisi têtñ ñac tôm bêc honç.

6 Akôc gauc ñapep pi yom asôm-nga bu asôm yom êmwasiñ lau ti nem ñac sa-nga, ma aô lau si yom ñalêñ ñayham.

Pol sôm bu êñkiñ Tikikus lu Onesimus sêtêñ Kolosi sêndi

7-8 Kwahic dec aô bu wañkiñ yac nenç asidôwa ma ñgac atac whinç-nga Tikikus têtñ mac loc. Inç kalhac

naŋga ma gêm akiŋ Pômdau whiŋ aö. Aö waŋkiŋ iŋ loc bu ndic miŋ aneŋ yom, ma asidôwai gameŋ dindéc-ŋga si yom hoŋ têtŋ mac. Ma iŋ oc nem malô mac nem ŋalôm.

⁹ Ma aö waŋkiŋ Onesimus, naŋ mac nem daŋ ma yac mba asidôwa atac whiŋ-ŋga naŋ kêŋ whiŋ naŋga eŋ, whiŋ Tikikus têtŋ mac loc. Inlu oc sêndic miŋ yom gameŋ dindéc-ŋga hoŋ têtŋ mac.

Pol kêŋ ndê acsalô têtŋ lau ŋatô

¹⁰ A ristakus, naŋ ndöc gapocwalô whiŋ aö, naŋ kêŋ ndê acsalô têtŋ mac, ma Banabas ndê têtŋgac Mak kôm acsalô têtŋ mac bocdinaŋ. Mak bu hôc asê mac, dec akôm tôm aö gasôm têtŋ mac muŋ su, ma akôc iŋ sa.

¹¹ Ma Jisas, ŋgac naŋ sêsam iŋ ndê ŋaê daŋ bu Justus, naŋ kêŋ ndê acsalô têtŋ mac whiŋ. Naŋ lau tö dinaŋ sêmbo sêwhiŋ aö ma sem malô aneŋ ŋalôm. Naŋ lau Israel-ŋga naŋ sêkêŋ whiŋ Kilisi, ma sem gwelen sêwhiŋ aö ma yac ahoc ŋawaê pi Anötö ndê gôliŋ asê. Lau Israel-ŋga daêsam sêmbo sêwhiŋ aö dom, ŋac lau tö dinaŋ solop.

¹² Ma Epapras, Kilisi ndê ŋgac akiŋ, naŋ mac daôm nem daŋ, naŋ kêŋ ndê acsalô têtŋ mac bocdinaŋ. Iŋ tôm bêc hoŋ teŋ mbec tu mac-ŋga bu mac alhac naŋga atôm lau gwalam akwa akêŋ whiŋ-ŋga, ma asa nem lêŋ hoŋ tôm Anötö tac whiŋ.

¹³ Aö wasôm yom ŋandô têtŋ mac bu iŋ yêm dau su ŋandô tu mac-ŋga ŋapaŋ, ma tu lau sêkêŋ whiŋ-ŋga naŋ sêmbo malac Laodisia ma malac Hierapolis-ŋga bocdinaŋ.

¹⁴ Luk, dokta naŋ yac atac whiŋ, lu Demas sêkêŋ si acsalô têtŋ mac whiŋ.

¹⁵ Akêṅ yac mba acsalô têṅ asidôwai Laodisia-ṅga, ma têṅ lau sêkêṅ whiṅ-ṅga naṅ sêkac sa yêc Nîmpa ndê andu tu sêlic om-ṅga, ma têṅ Nîmpa dau bocdinaṅ.

¹⁶ Têṅ ndoc sêsam bapia dindec têṅ mac su, naṅ akêṅ têṅ gôlôwac dabuṅ yêc Laodisia bu ṅac sêsam whiṅ. Ma bapia naṅ aö gakêṅ têṅ ṅac, naṅ sêkêṅ têṅ mac asam bocdinaṅ.

¹⁷ Asôm têṅ Akipus bu sap sakiṅ naṅ Pômdau kêṅ sip iṅ amba, naṅ dôṅ, ma kôm ṅapaṅ e ndic dabiṅ.

¹⁸ Aneṅ ṅaê Pol dec, gato ṅa aö dauṅ amanṅ. Aö gacgeṅ gandöc gapocwalô, dec wandac mac bu gauc nem aö. Anötö ndê mwasinṅ whiṅ mac hoṅ.

Anötö ndê Yom Lêñsêḿ Wakuc
The New Testament in the Bukawa language of Papua
New Guinea
Nupela Testamen long tokples Bukawa long Niugini

copyright © 2000 Lutheran Bible Translators Australia

Language: Bukawa

Translation by: Lutheran Bible Translators Australia

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-01-13

PDF generated using Haiola and XeLaTeX on 18 Apr 2025 from source files dated 31 Aug 2023

545e5ca3-1e95-59e4-8380-93951e023cf7